

Mai le aoga maualalo ile aoga maualuga: O leisi sitepu telē e soso’o mai

E faapefea ona fesoasoani matua



O le alu ile aoga maualuga o se tulaga e fou e lei masani ai lou alo. Atonu ole a toatele le numera o tamaitiaoga ma o le a toatele faiaoga esese o lou alo, esese potuaoga ma e manaomia lona aveina o tusi ma ana meaaoga mai le tasi vasega i leisi vasega.

A o lei amata lou alo ile aoga maualuga, talanoa ia i latou e uiga ile eseesega o tulaga ma tagata latou te feiloai ile aoga ma faamatala i ai le lelei ole aoga ma avanoa e fai ai ni ana uo fou.

I le fesoasoani mai aiga ma faiaoga, e masani lava ona vave masani tamaitiaoga i o latou siosiomaga fou.

Faamolemole maitau mai:

E taua tele lou ta’u i lou Puleaoga a o lei amata le aoga i ni mai pakapaka poo nisi mai e maua ai lou alo. E mafai ona e tusi maia i le pepa e faaulu ai ile avanoa na e i ai.

E tatau foi ona e ta’u ile aoga ile vave e mafai ai pe a e iloa ua i ai ni pakapaka poo ni mai fou ua maua ai lou alo.

Faiaoga fou

I aoga maualuga, pe na ole valu pe sili atu foi faiaoga mo tamaiti, faaopopo iai ma le Fauautua mo Tamaitiaoga e fesoasoani ma lagolago. Ole mea masani lava i tamaiti fou ole Year 7 ona faapopoleina ile tulaga lea.

E taua lou ta’u ia latou iloa e i ai tagata e fesoasoani ia latou ma aua le popole ae fesili mai pe a i ai ni a latou fesili.

Taimi faatulagaina (Timetables)

O mataupu i aoga maualuga e masani ona aoaoina i lesona ile tai 40 ile 60 minute, e ta’ua o ‘periods’ (piliota). O mataupu taitasi ole a aoaoina mo le tasi poo le lua foi periods ile taimi. Ina ia iloa maitau lesona ma potuaoga e fai ai, ole a tuuina atu ilou alo ia taimi faatulagaina e ta’u mai ai mataupu, taimi o periods ma mea e i ai potu.

O se mea lelei lou fesoasoani i lou alo e siaki a latou taimi faatulaga pe a o’o atu ile fale i afaifi uma ina ia latou iloa mea uma e teu ile ato e manaomia mo leisi aso e soso’o mai – pei o api, peni e tusi ai, PE (sports) toniga taalo ma mea e fai ai taaloga.

Uo fou

O faiga o uo fou masalo o se tasi lea o galuega pito taua ole a feagai ma le tamaititi pe a latou amata ile Year 7. Faamalosii i lou alo e auai atu i faagaioiga ina ia latou masani ai ma isi tagata ma maua ai le taimi e fiafia ai.

Aafia ai o matua

E talia e la tatou aoga le aafia ai o matua ma lo latou lagolago mai.

O kulupu o matua pei ole P&C Association (asosi a matua ma sitiseni) e maua mai ai avanoa e aafia ai ile olaga faaaoaoga ma auai ai i filifiliga fai. Ole ofo atu faavolenitia i mea e fai ale aoga ma ile potuaoga e mafai ona aveina o se auala telē lea e feiloai ai ma isi

matua ma le aufaigaluega ale aoga. Matou te talia ma le faafetai se fesoasoani e mafai ona e ofoina mai.

Fesoasoani i tamaiti e i ai manaoga faapitoa

Ona o oe ole matua poo e e tausia le fanau e i ai faaletonu i o latou tino (disabilities) poo e faigata ona aoaoina, ole a fesoasoani atu le tele o tagata, ole a latou galulue ma oe ina ia faia se filifiliga sa' o mo lou alo.

O filifiliga o loo avanoa mo aoga tulagalua e aofia ai ia:

- vasega fai pea lava pea i aoga masani
- vasega lagolago i aoga masani
- aoga e i ai auunaga lagolago faapitoa

Ka hor intaadan diiwaangelin ilmahaaga, A o lei faauluina lou alo, ole a faatonu oe e faafesoatai le ofisa itumalo pito lata ane ina ia iloilo ai e la matou aufaigaluega au filifiliga ma fesoasoani ia oe e filifili se aoga sa' o mo lou alo.

Tuufaatasiga o toniga ma lavalava aoga

Ole ofu o lou alo ile toniga sa' o ale aoga ile Aso 1 ole a tuuina atu ai le lagona o latou e ona le aoga fou lea. E fai pea lava ele aoga le school clothing pool (toniga e faatau ile aoga) poo le a mafai foi ona fautua atu le aoga ia oe ile faleloa e maua mai ai toniga.

Pepa mo femalagaaiga (Travel Passes)

O pepa talosaga mo le nofoaafi, pasi ma/poo le vaa, e mafai ona maua mai e lou alo mai le aoga tulagalua ile kuata lona 4. O nei foi pepa e masani ona lafo atu ile meli ia te oe faatasi ai ma le pepa e faaulu ai. E tatau ona toe faafoi mai ile aoga tulagalua a o lei uma le tausaga aoga ina ia mautinoa ai o pepa malaga uma lava ole a avanoa mo le amataga ole tausaga aoga ole a soso'o mai.

E pulea ele Matagaluega o Femalagaaiga le Polokalame o Femalagaaiga a Tamaitiaoga ole Aoga. Afai e i ai nisi au fesili faamolemole valaau le Matagaluega o Femalagaaiga ile 1800 227 774 poo le (02) 9891 8900 .

Tupe e ofo faameaalofa ile aoga ma tupe faaalu i aoaoga

E lua ituaiga tupe faaalu i aoga maualuga. E talosagaina fesoasoani faameaalofa lautele e ofo fua mai e maua mai ai fesoasoani ma avanoa e aoaoina ai tamaitiaoga.

E i ai foi ma pili o mataupu, ia e talosagaina mo mataupu ile poto ile faiga o meaai ma ata e tusia. O pili o mataupu e fesoasoani e totogi ai mea faigaluega e faaoga e lou alo i nei kosi taitasi.

Afai o feagai oe ma ni faaaitaui tautupe, faamolemole talanoa i lau Puleaoga. Fesoasoani ile tau ole pili o mataupu, faapena foi i isi tupe faaalu pei ole toniga, malaga ale aoga ma le o e nofo to'alauapi pe a avanoa.

Telefoni feaveai

O le faaogaina o telefoni feaveai ma isi masini eletise mo fesoataiga i itula aoga e matua le tatau ona faaogaina i a tatau aoga ma o telefoni e le tatau ona faaogaina i taimi o lesona.

E talosaga atu i matua e aua le vili mai i tamaiti poo le auina mai foi o feau ile SMS ia latou fanau i taimi o aoga pe afai e mafai ai. Afai e talafeagai, e mafai ona pasi atu feau mo tamaiti e ala atu ile ofisa.

Auaunaga o Faamatalaupu i Telefoni

Afai ete manaomia se faamatalaupu e fesoasoani ia oe e faafesoatai lau Puleaoga, faamolemole valaau ile Auaunaga o Faamatalaupu i Telefoni ile numera 131 450 ma fesili mo se faamatalaupu i lau gagana. O le a valaau ele faamatalaupu le Puleaoga ma ole a nofo pea i luga ole laina e fesoasoani ia oe i lau talanoaga. E te le totogiina lenei auunaga.

© May 2006
NSW Department of Education and Training

GPO Box 33
Sydney NSW 2001
T 9561 8000
www.det.nsw.edu.au
NSW Public Schools - Leading the way
O Aoga ale Malo i NSW - E ta'imua ina le auala



Fia iloaina atili



Mo nisi faamatalaga talanoa i lau puleaoga, faafesoatai lau ofisa itumalo poo lou alu ile www.schools.nsw.edu.au

Mo faamatalaga ua faaliliuina alu ile www.det.nsw.edu.au/language-support